



Projet promovût di 'Il Friuli' e 'ARLeF'

TANT PAR RIDI



Savêso cuâl che al è il colm par une acuille? Vê il nâs acuilin e zuiâ simpri cul acuilon!

CJANTIS, FILASTROCJIS, POESIIS

MÊS DI JUGN SI TAIE LA JERBE

Mês di Jugn si taie la jerbe, metin vie ducj la cuvierte. Il contadin simpri content cul falcet al see il forment.

Fâs il brâf, ven ca soreli a bronzeâ il frut e il vieli, distirâts tal savalon diventâts come il cjarbon.

Rit. Al mancje pôc ae fin de scuele si consegne la pagjele. Nus tormento cun creance il pinsir di lâ in vacance.

Rit. Al mancje pôc ae fin de scuele si consegne la pagjele. Nus tormento cun creance il pinsir di lâ in vacance.

(Peraulis di Daria Miani; musiche di Flaviano Miani)

LA DETULE DAL DÌ
I FÏS A SON COME I ACUILONS: E RIVE LA DÌ CHE SI JEVIN SÛ E BISUGNE INSEGNÂUR A SVOLÂ.

Fruts, al è tornât Maman! cuntune gnove stagjon e cun tantis sorpresis! Us din apontament **su telefriuli**

ARLeF telefriuli

Maman!

Gnove stagjon
Ogni vinars aes 17.40
miercus aes 17.40
e domenie aes 7.00

Sêso bogns di fevelâ par furlan?
Inviât un vuestri video indulâ che nus mandais un pinsir, une cjançon, une barzalet, une conte par furlan o un vuestri dissen li che si viodi un moment in particolâr di une pontade di Maman! e us manda in onde.
Mandait al numar 333/7202814 o ae direzion di pueste eletroniche maman@tvstar.com
Ocjo, il telefonut al va tignût in orizzontâl e no in verticâl!

Pagjinis curadis di Daria Miani
Consulente linguistiche de ARLeF


LIS AVENTURIS DI VIGJI

VIGJI E L'ACUILON
Intune matine dal mê di Jugn, Vigji al torreonave di bessòl pe campagne; straconon, al veve decidût di fermâsi sot di un arbul par polsâ. Si jere ben distirât e, intant che al amirave lis frascjis, si jere inacuart che a scuindevin alc. Cussì si rimpinà sù par lâ a viodi ce che al jere. Spostadis lis ramacis e lis fueis, si jere inacuart che al jere imberdeât un acuilon; cussì lu à disgrupât e lu à puartât jù dal arbul. Rivât abàs, lu à cjalât cun tante amirazion: dome che i mancjave il fil. Tornât a cjase, al à vierte la portele dal armâr là che Daria e tignive i fii par cusî, si è procurât un fil lunc lunc e lu à ingropât tal acuilon. Montât sul barcon dal tinel che al da sul zardin, al jere sigûr che in cuatri e cuatri vot al varès podût fâsi une bieie svolade come che al sa fâ benon il so amî Pierut l'Ucielut. Cun ingjenuitât e cence pôre, Vigji si è butât par aiar tignint stret il fil tra lis sgrifis. Par cualchi secont, Vigji al à podût gjoldi di une maraveose vongolade tal cîl, ma bot e sclop, si è cjatât par tiere: nol saveve che l'acuilon nol è bon di tignî sù 10 kilos di gjat! Puar Vigji, ce grumbulis pardut!



(Al va indenant...)

ZÛCS



Seguîs lis indicazion che ti doi: unîs il tratinament dal romp drenti dal acuilon; po dopo: piture l'ôr dal acuilon di blu; piture il triangul in alt a çampe di ros; piture il triangul in bas a drete di narançon; piture il triangul in bas a çampe di zâl; piture il triangul in alt a drete di vert; par finî, piture i flocs di colôr di rose.

LU SAVEVISO CHE...?

■ In Sante Agnês, a Glemone, tal mê di Mai di ogni an si davuelç di secui la Fieste de Sense (rivade ae edizion numar... 648!). Di cualchi timp, chest event al à cjavât ancje il non di "Fieste dai acuilons": si passe une bieie zornade cui voi par aiar tai prâts verts de mont, cul cîl turchin che si piture di tancj acuilons colorâts. E se no 'nt vês un, al è ancje cui che sul puest us jude a costruilu!




FÂ E DISFÂ

In chestis zornadis di Primevere, parcè no provâ insieme a costruí un acuilon? Alore scomencin: fasêtsi judâ di un grant par ducj i passaçs.

Ce che ti covente:

- sacume su cartoncin di un romp che al vedi la diagonâl plui lungje di 40 centimetris, e chê plui curte di 38 centimetris;
- stofe o cjarte colorade sutile;
- doi bastonuts: un lunc 40 cm. e un altri di 38;
- spali sutîl o fil di pescje;
- nastri biadesîf;
- fuarpiis cu la ponte taronde;
- cjarte ingrispade.



P. Geremia, "Colôrs", golaine "Free e Ulli", Futura edizioni, 2018.

Cjate lis diferencis

Chestis dôs foto a son diferentis tra di lôr par 6 piçui particolârs. Cuâi?




Sudoku

Il Sudoku al è tant che une scachiere, dividude in 4 cuadrâts, cun 16 caselis, 4 riis orizzontâls e 4 verticâls. Il fin al è chel di jemplâ ogni rie, ogni colone e ogni cuadrât cui 4 simbul, cence mai repetisi.


☾	☀	☆	
		☾	
☼	☆	☀	
		☼	
☆	☼		☀
	☆		
☼			☾

Unis i ponts

Unis i ponts dal numar plui bas a chel plui alt e viôt ce che al ven fûr.



99 PERAULIS



"99 Peraulis. Fevelâ cul mont. Parlare col mondo. Talking to the world", di Silvana Schiavi Fachin, Futura Edizioni, 2014, realizât in colaborazion cun ARLeF